

前相國御墳墓二品大夫人等也戒師又談戒體次持參御出家什物大納言局殿爲教卿傳之東御方殿如今出川太政大臣殿同祇候御帷御脇息御手洗在貨寶打敷御水瓶二口各入湯御剃刀四柄打敷一枚參差之御本結二筋紙札等一折札上右字書之机上破之楨紙各二枚卷之爲指燭菊葉等一折敷布指燭四筋重土器二口入燭等也次奉剃除美髮女房役奉結分御髮後奉洗之其後剃手役人參進奉剃之此間唄發音戒師奉剃除右方御髮了裏紙以紙捻結之付右方札左方作方同撒什物等殘剃刀仙院著御法衣任近例爲仙院持御袈裟著御端御座先之女房自御簾戒師奉除周羅髮戒師降半疊參進御簾授御袈裟其儀仙院自取御袈裟自簾中令指出給戒師取之誦唄返進仙院取之令頂戴給如斯三度畢著御之奉授御法名佛性仙院令還著本御座給此間御戒師還著半疊取剃刀暫奉授沙彌戒又奉授菩薩十戒依別仰有此事神分廻向打磬度一戒師降半疊復座從僧撤次右少辨參進公卿後申可有御布施之由於上首家君中略次御戒師退出今夜女房二人右衛門督局其父不知及僧女於私宿所出家則歸參云々

○按ズルニ龜山天皇ノ崩御ハ弘安六年ヨリ後ル、事二十三年嘉元三年九月十五日ニアリ、〔入道左大臣記〕正應六年永仁元年六月七日、東二條院後深草后藤原公子御出家也、即被始行御逆修、左少辨爲行奉行之、公衡同口入之、兼奉仕戒場御裝束其儀以無量光院東底御聽聞爲御所、西面三個間覆翠簾、北第一間傍東立廻五尺屏風、敷大文疊二枚行南北爲女院御座、道場南面東第一間迫南敷小文疊一枚東西其上加東京茵爲戒師座、同西第二間敷小文疊一枚爲唄師座、東第二間傍北御簾立佛臺一基、奉懸釋迦三尊像件本尊縫物也、戒師被隨身之一尊別一幅也、其前立机一脚置花瓶二口、火舍、塗香灑水器各一口、散杖等、其左右立脇机各一脚戒師物具、右方立磬臺一基、左右切燈臺、机南立禮盤、御所北障子外、爲所役女房候所、其傍立御厨子今度白木二階棚也兼置雜具等件置樣、公衡以下暫候、東公卿座、酉二點法皇後召公衡、漸可有渡御戒場之由有仰、仍以預法師告申前相國、畢秉燭以前相國令參給、女院渡御御